



AVIZU

Programa Bolsa Estudo Ministério do Ensino Superior, Ciência e Cultura (MESCC) Timor-Leste Tinan Akademiku 2025/2026

Ministério do Ensino Superior, Ciência e Cultura (MESCC) Timor-Leste, hahu loke programa bolsa estudo ba Tinan Akademiku 2025/2026, nível Mestrado iha nasaun Nasaun **Indonesia** ho vaga 2 iha area estudo **Geographic Information System (GIS) Faculdade Geograhpy – University of Gadjah Mada.**

A. Kriteria Aplikasaun

❖ KRITERIA JERAL

- 1) Tenki sidadaun Timorensen
- 2) Tenki iha kondisaun saúde (mentál no fiziku) ne'ebé permite atu halo estudo iha rai li'ur
- 3) La iha rejistu ba kazu kriminal ka ezekusaun sivil husi tribunál kontra kandidatu
- 4) Seidauk hetan bolsa husi governu Timor-Leste ka parseiru nasaun seluk (*iha momentu mai aplika bolsa ida ne'e*)
- 5) Kandidatu ba programa: Nível Mestrado ne'e ho idade 45 mai kraik, remata ona lisensiatura

❖ Kriteriu Espesífiku:

Iha siku estudo Mestrado nian:

- Portador diploma lisensiatura ka ekivalénsia, aneksa ho transkrisaun notas no ***certidão de habilitação legalizado***;
- Tenki iha koñesimentu Jerál adekadu ho área ne'ebé hili ba espesializasaun iha Mestrado nian.
- Tenki domina **lian Ingles no Indonesia** iha nível ko'alia, hakerek no rona ho diak;
- Iha **valór médiu mínimu 3,00** ba eskola iha Universidade Gadjah Mada-Indonesia consideravelmente equivalente História Escolar ka **Trankrisaun Valór ikus programa Licenciatura**;
- Ba kandidatu portador diploma lisensiatura ka equivalente ne'ebé mak eis bolseiru Estadu no servisu ona iha Administrasaun Públika Estadu no mos Setór Privadu tenki **hetan rekomendasaun** husi superior hierárkiku fatin servisu nian atu bele konkore ba vaga Mestrado;
- Ba kandidatu ne'ebé nu'udár funsionáriu permanente Estadu nian, presiza hetan rekomendasaun husi superior hierárkiku atu bele konkore ba bolsa ida ne'e;

B. Sei Labele Aplika ba Bolsa nee no Labele Sai Bolseiru, bainhira:

1. Ema ne'ebé iha ona diploma husi establesimentu ensinu superior hanesan iha nível Diploma Lisensiatura iha **área seluk ne'ebé la koresponde ho kursu ne'ebé mak oferece**;



REPÚBLICA DEMOCRÁTICA DE TIMOR-LESTE
MINISTÉRIO DO ENSINO SUPERIOR, CIÊNCIA E CULTURA



Unidade de Parcerias e Cooperação
Avenida Marginal No. 4 Colmera, Vera Cruz - Dili, Timor Leste

2. Ema ne'ebé Eis Bolseiru, uluk estuda iha rai li'ur tuir programa Governu Timor-Leste rasik ka parceria Timor-Leste ho rai seluk maibé ***La susesu no lakon bolsa;***
3. Ema ne'ebé mak eis bolseiru susesu iha programa bolsa estudo Governu Timor-Leste nian rasik ka parceria ho rai seluk, hetan esperiênsia servisu iha Administrasaun Públika maibé ***la hetan rekomendasaun husi superior hierárquico*** iha fatin servisu ba Administrasaun Públika nian;
4. Funsionáriu permanente Estadu nian ne'ebé ***la hetan rekomendasaun husi superior hierárkiku;***
5. Timor-oan ne'ebé mak **hetan pena iha kazu civil ka kriminal tuir akordaun Tribunal nian ka hetan aplikasaun TIR;**
6. Ema ne'ebé hetan moras HIV/SIDA, TBC, ASMA, EPILEPSIA, moras sira ne'ebé facilmente transmissível no, conforme esperiênsia comum médiku nian, gravemente prejudika desempeñu estudante ida nian iha prosesu estudo;
7. Timor-oan ne'ebé hetan espulsaun eh deportasaun husi Nasaun ruma bazeia razaun saída deit;
8. Ema ne'ebé hetan ona demisaun husi Komisaun Funsun Públika.

C. DOKUMENTU APLIKASAUN

Dokumentu obrigatóriu ne'ebé tenki submete iha período kandidatura nian mak hanesan tuir mai ne'e:

1. Formuláriu aplikasaun kompletu tuir aprovasaun husi servisu Ministériu Ensinu Superior, Siênsia no Kultura-MESSK responsável ba bolsa estudo
2. Fotokópia **Diploma no Transkrisaun Akademika**, akompaña ho tradusaun iha lian Inglés (tenki legalizadu orijinal husi MESCC ne'ebé hetan ona akreditasaun)
3. Fotokópia Passaporte Valido (karik iha ona); bain hira liu ona bolsa presija **Notariadu** husi Ministériu Justisa
4. Sertidaun Moris RD/TL, Tradusaun iha lian Inglês bain hira liu bolsa presija **Notariadu** husi Ministériu Justisa
5. Kartaun Elitoral no Bilete Identidade Kandidatu nian
6. Boletim de Registu Kriminal; no Tradusaun iha lian Inglês, bain hira liu ona bolsa presija **Notariadu** husi Ministériu Justisa
7. Deklarasaun komprimisiu kandidatura nian katak la ativu bolsa ka manan ona vaga bolsa estudo ruma husi parseiru ruma no devidamente kandidatu rasik mak asina; Tradusaun iha lian Inglês
8. Fotokópia Sertifikadu kualifikasaun iha lian lian Inglés no bahasa Indonesia (karik iha)
9. *Curriculum vitae* asina no testamuña husi ema nain rua (Assinatura original kandidatu no testamuña); Uja lian Inglês
10. Atestadu Mediku husi HNGV ka Hospital Referral (aneksa ho nia resultadu analisa); Tradusaun iha lian Inglês; bain hira liu bolsa mak submete
11. Karta Rekomendasaun husi Supervizór fatin serbisu nian (Assinatura no karimbo original); Uja lian Inglês;



REPÚBLICA DEMOCRÁTICA DE TIMOR-LESTE
MINISTÉRIO DO ENSINO SUPERIOR, CIÊNCIA E CULTURA

Unidade de Parcerias e Cooperação
Avenida Marginal No. 4 Colmera, Vera Cruz - Dili, Timor Leste



12. Esbosu proposta planu peskija nian, *Numeru pagina livre; Tipo Letra Time New Roman ; Tomanbo 12 ba kontendu; Tomanbo 14 ba Titlu no Subtitlu; Espaço 2; Uja lian Ingles;*

“Falta dokumentu sá ida de’it ne’ebé identifika iha número leten, esepu dokumentu husi numero 3 - Passaporte RDTL), sei rezulta DESKUALIFIKA ba Kandidatu”

D. Prosesu Kandidatura

- a. Formuláriu Aplikasaun bele mai foti iha Unidade Parserias no Kooperasaun-UPC liu husi Ministério do Ensino Superior, Ciência e Cultura (MESCC),
- b. Informasaun klaru bele mai diretamente iha UPC-MESCC, Avenida Marginal no. 4 Colmera - Dili, Timor-Leste, iha oras serbisu nian no bele mos kontaktu ba Sra. Irene da Costa ho Nu. +67077988198 ou Sra. Nelia Gomes da Costa ho Nu. +670 77066882
- c. Kalendáriu Prosesu Kandidatura ba Universidade Gajamada Indonesia
 - Dia **24 – 30 abril 2025** : Anúnsiu públiku no Prese Formuláriu husi online
 - Dia **2-9 Maiu 2025** : Devolve formuláriu aplikasaun nian no Selesaun dokumentu
 - Dia **12 Maiu 2025** : Anúnsiu Resultadu Selesaun Dokumentu
 - Dia **15-16 Maiu 2025** : Entrevista ba aplikante ne’ebé liu selesaun dokumentu
 - Dia **22-23 Maiu 2025** : Anúnsiu rezultadu finál ba kandidatu ne’ebé passa entrevista.

NB. Ministério do Ensino Superior, Ciência e Cultura sei notífika kalendáriu tuir mai depois de rezultadu final husi prova oral nian.

Formuláriu aplikasaun no dokumentu sira suporte nian entrega direta husi kandidatu ba Unidade de Parcerias e Cooperação (UPC) Ministério do Ensino Superior, Ciência e Cultura, Avenida Marginal No. Colmera, Vera Cruz-Dili, Timor Leste

“Dokumentos aplikasaun ne’ebe submete ona maibe LA KOMPLETU sei la konsidera ka DISKUALIFIKA !!!”

Mak nee deit, Ba ita boot sira nia atensaun ami hatu’o, obrigadu wain

Dili, 24 Abril 2025


Rosito Das Neves e Silva
Koordemador UPC

